

Na osnovu člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH”, broj:35/05), u skladu s Odlukom o usvajanju Programa utroška sredstava s kriterijima raspodjele sredstava programa „Zaštita i promocija objekata kulturno-historijskog naslijeđa i razvoj kulturnog i umjetničkog stvaralaštva“ tekućeg transfera neprofitnim organizacijama – Transfer za kulturu od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i športa - Federalnom ministarstvu kulture i sporta („Službene novine Federacije BiH”, broj:26/26), federalna ministrica kulture i sporta objavljuje

**JAVNI POZIV**  
**za odabir projekata koji će se sufinansirati iz Budžeta Federacije Bosne i Hercegovine u 2026. godini**

Sredstva za sufinansiranje projekata dodjeljivat će se u skladu s Odlukom o usvajanju Programa utroška sredstava s kriterijima raspodjele sredstava tekućeg transfera neprofitnim organizacijama – Transfer za kulturu od značaja za Federaciju utvrđenog Budžetom Federacije Bosne i Hercegovine za 2026. godinu Federalnom ministarstvu kulture i športa - Federalnom ministarstvu kulture i sporta.

**TRANSFER ZA KULTURU OD ZNAČAJA ZA FEDERACIJU BIH**

**I. Odabir projekata vršit će se za sljedeće namjene:**

**PROGRAM 1 – Projekti kulture od značaja za Federaciju BiH:**

**Podprogram 1.11. - Međunarodna manifestacija „Dani evropskog naslijeđa 2026.“**

Ukupan iznos raspoloživih sredstava: 150.000,00 KM  
Sredstva će biti dodijeljena u iznosu od 150.000,00 KM.

**II. Cilj Javnog poziva**

Cilj poziva je projektima u području kulture koji:

- doprinose očuvanju i promociji kulturnog naslijeđa u Federaciji BiH,
- jačaju evropski kulturni identitet,
- razvijaju kulturni turizam i vrše edukaciju o ovim temama,
- čine dostupnost kulturnih sadržaja široj zajednici,
- su usklađeni s evropskim kulturnim politikama i strategijama.

**III. Pravo podnošenja zahtjeva**

Pravo podnošenja zahtjeva na ovaj Javni poziv imaju udruženja i fondacije registrovane u Federaciji Bosne i Hercegovine izuzev privatnih organizacija utemeljenih s ciljem ostvarenja profita. Finansiraće se **isključivo projekti koji započinju i završavaju u 2026. godini.**

Na ovaj Javni poziv nemaju pravo aplicirati korisnici sredstava Federalnog ministarstva kulture i porta, koji nisu u cijelosti ili djelomično namjenski utrošili i opravdali dobivena sredstva u skladu sa rokom naznačenim u Ugovoru.

#### **IV. Opšti i posebni kriteriji za raspodjelu sredstava podprograma 1.11. – Međunarodna manifestacija „Dani evropskog naslijeđa 2026.“**

##### **4.1. Opšti kriteriji:**

1. Iskustvo u organizaciji i realizovanju komponenti manifestacije „Dani evropskog naslijeđa“ u protekle tri godine (ovaj kriterij je eliminatoran)
2. Usaglašenost projekta s evropskom kulturnom Strategijom
3. Očuvanje kulturnog naslijeđa
4. Povezivanje s evropskim kulturnim identitetom
5. Inkluzivnost i dostupnost
6. Održivost i organizacijska struktura za implementaciju projekta

##### **1.11.2. Posebni kriteriji:**

1. Tematska povezanost projekta s evropskim kulturnim naslijeđem
2. Kreativnost i inovativnost projekta
3. Podsticanje održivog kulturnog turizma koji doprinosi gospodarskom razvoju i očuvanju kulturnog identiteta
4. Edukacija i uključenost šire zajednice

#### **V. Dokumentacija**

Obavezna dokumentacija i dokumentacija za posebne kriterije od točke 1 do točke 12 dostavlja se numerisana istim slijedom kako je navedeno. Numeriše se svaki papir/stranica redom i mora biti **spiralno uvezana** u cjelinu.

Dokumentacija koja ne bude uvezana i numerisana na prethodno navedeni način **neće biti uzeta u razmatranje** i smatrat će se formalno-pravno neispravnom.

##### **Obvezna dokumentacija**

1. Prijavni obrazac, elektronski popunjen, potpisan i ovjeren pečatom pravne osobe, dostupan na web stranici Ministarstva (original);
2. Uvjerenje o poreznoj registraciji - identifikacijski broj (original ili ovjerena kopija);
3. Rješenje o razvrstavanju - klasifikacija djelatnosti (kopija);
4. Uvjerenje Porezne uprave o izmirenim poreznim obavezama aplikanta ne starije od šest mjeseci do dana objave javnog poziva (original ili ovjerena kopija);
5. Aktuelni izvod iz registra, ne stariji od šest mjeseci do dana objave javnog poziva (original ili kopija ovjerena u opštini ili u notarskom uredu).

6. Potvrda banke ne starija od tri mjeseca do dana objave javnog poziva (original ili ovjerena kopija), u kojoj je navedeno:

- a) da račun nije blokiran,
- b) broj transakcijskog računa,
- c) ID broj korisnika;

7. Bilans stanja i bilans uspjeha ili račun prihoda i rashoda za 2025. godinu, s vidljivim pečatom Finansijsko informatičke agencije (FIA). Subjekti registrirani u 2026. godini nisu obavezni dostavljati bilans stanja i bilans uspjeha (original ili ovjerena kopija);

8. Dokaz o iskustvu u organiziranju i realiziranju svih komponenti manifestacije „Dani evropskog naslijeđa“ u protekle tri godine.

### **Dodatna dokumentacija**

9. Izjava/obrazloženje nosioca projekta o usklađenosti ciljeva projekta s ciljevima evropske kulturne Strategije (Strategija za kulturnu baštinu/ EU Strategy for Cultural Heritage, Strategija za kreativne industrije/Creative Europe, Agenda za održivi razvoj kulture) – ovjerena i potpisana od strane nosioca projekta

10. Planovi ili strategije promocije kulturnog turizma (partnerstva s turističkim zajednicama, paket-aranžmani, info-materijali)

11. Popisi učesnika, promotivne kampanje, plan edukativnih aktivnosti: radionice, predavanja, vodiči, štampani materijali

12. Potvrde o saradnji s partnerima i drugim organizacijama

### **VI. Dostavljanje dokumentacije**

Svi zainteresovani aplikanti koji ispunjavaju uslove tražene ovim Javnim pozivom svoje projekte zajedno sa zahtjevom, koji mogu preuzeti na službenoj web stranici: [www.fmks.gov.ba](http://www.fmks.gov.ba), trebaju dostaviti na adresu:

**Federalno ministarstvo kulture i sporta –Federalno ministarstvo kulture i športa:**

**NE OTVARATI – ZA JAVNI POZIV „Transfer za kulturu od značaja za Federaciju BiH - PROGRAM 1 – Projekti kulture od značaja za Federaciju BiH:**

**Međunarodna manifestacija „Dani evropskog naslijeđa 2026.“**

**Na poledini koverta nužno je navesti naziv pošiljaoca, adresu pošiljaoca, kontakt telefon i staviti pečat organizacije.**

Prijave se mogu predati isključivo putem pošte zaključno s **5. 5. 2026. godine.**

## UPUTSTVO APLIKANTIMA

- Prijavni obrazac mora biti elektronski popunjen, potpisan i ovjeren.
- Prijave koje nisu dostavljene na propisanom obrascu, netačne i nepotpune prijave i prijave koje nisu dostavljene u navedenom roku neće biti razmatrane.
- Potrebno je da aplikant dostavi popis dokumentacije koju je dostavio uz prijavni obrazac.
- Aplikant je odgovoran za tačnost podataka u prijavi na propisanom obrascu. Ukoliko aplikant pogrešno popuni prijavu ili ne dostavi sve tražene dokumente, smatrat će se formalno-pravno neispravnim.
- Finansijski plan, koji se nalazi unutar prijavnog obrasca, treba biti detaljno razrađen po stavkama. U suprotnom će se prijava smatrati formalno-pravno neispravnom.
- Potvrda banke koja ne sadrži identifikacijski broj aplikanta, transakcijski račun aplikanta i izjavu o aktivnosti računa aplikanta neće biti prihvaćena.
- Aplikant je odgovoran za dostavljanje tačnih podataka. Dostavljeni podaci ne mogu se mijenjati za vrijeme trajanja Javnog poziva.
- U toku realizacije projekta bilo koja promjena adrese, broja telefona, promjene kontakta, ovlaštene osobe ili broja računa kod banke, moraju biti dostavljeni u pisanoj formi ovom Ministarstvu. Federalno ministarstvo kulture i sporta neće se smatrati odgovornim u slučaju da ne uspije kontaktirati aplikanta.
- Svi dokumenti moraju biti isključivo na jednom od službenih jezika u Federaciji BiH.
- Ukoliko podnosilac prijave na zatvorenoj koverti ne upiše naziv transfera za koji aplicira, te ne navede naziv podnosioca prijave, adresu i kontakt telefon i ne stavi pečat organizacije, prijava neće biti uzeta u razmatranje.
- **Dokumente je potrebno numerisati na način da se numeriše svaka stranica/ papir redom i da se spiralno uveže kao cjelina.** Numerisanje se vrši redoslijedom kako je navedeno u traženoj dokumentaciji. Dokumentacija koja ne bude uvezana i numerisana na prethodno navedeni način neće biti uzeta u razmatranje i smatrat će se formalno-pravno neispravnom.
- Dokazi o realiziranim projektima iz prethodnog perioda koji se neće prihvaćati su: fotografije, popis linkova, CD-ovi, tekstovi objavljeni na društvenim mrežama (Facebook, Instagram, Twitter i sl.), ugovori i odluke o dodjeli sredstava te drugi dokumenti iz kojih nije jasno vidljivo da je aplikant realizirao projekat.
- Svi dokazi za dodatnu dokumentaciju moraju imati vidljive pečate i potpise ovlaštenih lica (sporazumi, memorandum i saradnji, potvrde, preporuke i drugo).
- O rezultatima Javnog poziva aplikanti će biti obaviješteni putem službene web stranice <https://fmks.gov.ba> u roku od 30 dana od dana zatvaranja Javnog poziva.
- Svaki član Komisije bit će isključen iz postupka dodjele ukoliko se utvrdi da je u sukobu interesa u odnosu na podnosioca prijave, a podnosioci prijave imaju mogućnost prijaviti sumnju na postojanje sukoba interesa, o kojem će davalac budžetskih sredstava odlučivati pojedinačno o svakoj prijavi.
- Podnosilac prijave po Javnom pozivu dopušta se izjavljivanje prigovora u roku od pet (5) dana od dana objave rezultata formalno-pravne ispravnosti podnesenih prijave.

- Dopuna dokumentacije nakon isteka roka za dostavljanje prijava nije dopuštena.
- Revidirane budžete aplikanti koji zadovolje uslove za finansiranje dužni su poslati najkasnije u roku od 48 sati od datuma primljene informacije o dodjeli sredstava.
- Aplikanti koji su zadovoljili uslove za potpisivanje ugovora o dodjeli sredstava dužni su cjelokupnu projektnu dokumentaciju dostaviti skeniranu na USB stiku.
- Aplikanti su prilikom pravdanja sredstava dužni uz štampani dokaz dostaviti cjelokupni finansijski izvještaj skeniran na USB stiku.
- Aplikanti kojima se odobri iznos iznad 100.000,00 KM dužni su otvoriti zaseban transakcijski račun na koji će se doznačiti sredstva za finansiranje/sufinansiranje projekata i o tomu obavijestiti Federalno ministarstvo kulture i športa.